

Na osnovu cl. 9. i 25. Zakona o Agenciji za bankarstvo Federacije Bosne i Hercegovine ("Službene novine FBiH", br. 9/96, 27/98, 20/00, 45/00, 58/02, 13/03, 19/03, 47/06, 59/06, 48/08, 34/12 i 77/12), člana 18. Statuta Agencije za bankarstvo Federacije BiH ("Službene novine Federacije BiH", broj: 42/04) i člana 36. Zakona o zaštiti žiranata u Federaciji Bosne i Hercegovine („Službene novine Federacije BiH“, broj: 100/13), Upravni odbor Agencije za bankarstvo Federacije BiH na 56. sjednici održanoj dana 18.03.2014. godine, donosi

**ODLUKU**  
**O USLOVIMA I NAČINU POSTUPANJA PO ZAHTJEVU ŽIRANTA ZA**  
**OSLOBAĐANJE OD OBAVEZE JEMSTVA**

(Neslužbeno prečišćeni tekst)  
(„Sl.novine Federacije BiH“ 23/13 i 62/14)

Član 1.

Ovom odlukom se, radi zaštite prava i interesa žiranata banke, mikrokreditne organizacije i lizing društva (u daljem tekstu: povjerilac), propisuju uslovi i način postupanja Agencije za bankarstvo Federacije BiH (u daljem tekstu: Agencija) i Ombudsmena za bankarski sistem u Agenciji (u daljem tekstu: Ombudsmen) po zahtjevu žiranta za oslobađanje od obaveze jemstva.

Član 2.

- (1) Zahtjev iz člana 1. ove odluke žirant podnosi ombudsmenu u pisanoj formi.
- (2) Zahtjev žiranta iz stava (1) ovog člana treba da sadrži osnovne podatke o žirantu i pravni osnov za oslobađanje od obaveze.
- (3) Uz zahtjev iz stava (1) ovog člana žirant dostavlja ugovor o jemstvu, odnosno kreditu iz kojeg je vidljivo vrijeme i mjesto njegovog zaključenja, kao i drugu dokumentaciju kojom dokazuje osnovanost svog zahtjeva.

Član 3.

- (1) U postupku po zahtjevu žiranta, ombudsmen razmatra zahtjev žiranta i po potrebi traži u pisanoj formi dodatnu dokumentaciju ili obrazloženja u roku od 15 dana od dana dostavljanja zahtjeva.
- (2) Žirant je dužan da dostavi traženu dodatnu dokumentaciju ili obrazloženja u roku od 8 dana od dana prijema zahtjeva ombudsmena.
- (3) Ukoliko žirant ne dostavi dokumentaciju iz stava (2) ovog člana, smatra se da je odustao od zahtjeva.
- (4) Ombudsmen obavještava povjerioca o zahtjevu žiranta u roku od 8 dana od dana prijema zahtjeva žiranta, odnosno od dana dostavljanja dodatne dokumentacije i dostavlja mu zahtjev žiranta, te zahtjeva izjašnjenje povjerioca o navodima iz zahtjeva.
- (5) Povjerilac je dužan da se o zahtjevu žiranta za oslobađanje od jemstva izjasni u roku od 15 dana od dana prijema zahtjeva ombudsmena.

Član 4.

- (1) Ombudsmen razmatra izjašnjenje povjerioca i po potrebi traži dodatnu dokumentaciju ili obrazloženja u pisanoj formi, u roku od 8 dana od dana dostavljanja izjašnjenja povjerioca.
- (2) Povjerilac je dužan da dostavi dodatnu dokumentaciju u roku od 8 dana od dana prijema zahtjeva ombudsmena.
- (3) U slučaju da nije tražena dodatna dokumentacija ili ista nije dostavljena, Ombudsmen na osnovu činjenica i podnesenih dokaza iz zahtjeva žiranta, a nakon izjašnjenja povjerioca o tim činjenicama i dokazima, razmatra da li su u pitanju povrede odredbi Zakona o zaštiti žiranata

u F BiH (u daljem tekstu: Zakon).

(4) Ombudsmen nakon provedenog postupka, ocjene činjenica i dokaza, dostavlja preporuku Agenciji u pisanoj formi kojom predlaže postupanje po zahtjevu žiranta.

#### Član 5.

(1) Agencija po dostavljenim preporukama od strane Ombudsmena odlučuje Rješenjem.

(2) Rješenje sadrži uvod, dispozitiv, obrazloženje i uputstvo o pravnom lijeku. U obrazloženju se navodi suština zahtjeva žiranta, utvrđeno činjenicno stanje, ocjena osnovanosti zahtjeva, pravni propisi na osnovu kojih je riješen zahtjev, te obrazloženje razloga pozitivnog ili negativnog rješenja zahtjeva.

#### Član 6.

(1) Rješenje Agencije se dostavlja žirantu u originalu, preporučenom poštom kao i svim strankama u postupku na osnovu pravnog interesa.

(2) Protiv Rješenja Agencije nije dopuštena žalba, ali se može pokrenuti postupak pred nadležnim sudom u roku od 30 dana od dana prijema Rješenja.

#### Član 7.

Ombudsmen vodi evidenciju o svim dostavljenim zahtjevima žiranata za oslobađanje od obaveze jemstva i o izdatim preporukama.

#### Član 8.

Ombudsmen prati da li se povjerilac u svom radu pridržava odredbi zakona i ove odluke, te je ovlašten predložiti nadležnom sektoru Agencije za bankarstvo F BiH da izvrši nadzor poslovanja kod povjerioca ili preduzeti druge mjere u okviru svojih nadležnosti.

#### Član 9.

Ova odluka stupa na snagu narednog dana od dana objavljivanja u "Službenim novinama Federacije BiH".

**ODLUKU O  
IZMJENAMA I DOPUNAMA ODLUKE  
O USLOVIMA I NACINU POSTUPANJA PO ZAHTJEVU ŽIRANTA ZA  
OSLOBADANJE OD OBAVEZE JEMSTVA**

**Član 1.**

U Odluci o uslovima i nacinu postupanja po zahtjevu žiranta za oslobadanje od obaveze jemstva („Službene novine FBiH“, broj: 23/14) u članu 1 iza riječi: “postupanja“, dodaju se riječi: „Agencije za bankarstvo Federacije BiH (u daljem tekstu: Agencija)“, a riječi: ombudsmena u Agenciji (u daljem tekstu: ombudsmen) mijenjaju se riječima: „I Ombudsmena za bankarski sistem u Agenciji (u daljem tekstu: Ombudsmen)“.

**Član 2.**

Član 4., stav (3) mijenja se i glasi:

„(3) U slučaju da nije tražena dodatna dokumentacija ili ista nije dostavljena, Ombudsmen na osnovu činjenica i podnesenih dokaza iz zahtjeva žiranta, a nakon izjašnjenja povjerioca o tim činjenicama i dokazima, razmatra da li su u pitanju povrede odredbi Zakona o zaštiti žiranata u F BiH (u daljem tekstu: Zakon).“

Dodaje se novi stav (4) koji glasi:

„(4) Ombudsmen nakon provedenog postupka, ocjene činjenica i dokaza, dostavlja preporuku Agenciji u pisanoj formi kojom predlaže postupanje po zahtjevu žiranta.“

**Član 3.**

Član 5, stav (1) mijenja se i glasi:

„(1) Agencija po dostavljenim preporukama od strane Ombudsmena odlucuje Rješenjem.“

**Član 4.**

U članu 6., stav (1) riječ: „ombudsmena“ mijenja se riječju :“Agencije“, a na kraju teksta briše se tacka i dodaju riječi: „kao i svim strankama u postupku na osnovu pravnog interesa.“  
U stavu (2) riječ: „ombudsmena“ mijenja se riječju: “Agencije“, a riječ: „žirant“ mijenja se riječicom: „se“ .

**Član 5.**

U članu 7 riječi: “koja sadrži podatke o rješenjima zahtjeva (pozitivnim i negativnim)“ mijenjaju se riječima: „i o izdatim preporukama“.

**Član 6.**

Ova odluka stupa na snagu narednog dana od dana objavljivanja u "Službenim novinama Federacije BiH".

**Broj: U.O.-61-4/14  
Sarajevo, 25.07.2014. godine**